

14-րդ շաբաթ

Թեմա՝ «Տարվա ամփոփում և ազատ գրույց»

Ա. Ստորև տրված հարցերի օգնությամբ կառուցել 5-10 բույսերի տևողությամբ բանավոր տեքստ և ներկայացնել այն լսարանին:

Հարցեր՝

1. Ինչպիսի սպասումներ ունեիք անցնող ուսումնական տարվանից:
2. Ինչպիսի՞ն էր անցնող ուսումնական տարին:
3. Ինչե՞ր էք սովորել անցնող ուսումնական տարում:
4. Ի՞նչն է ձեզ դուր եկել անցնող ուսումնական տարում և կուզեիք՝ շարունակական լինել:
5. Ի՞նչը ձեզ դուր չի եկել անցնող ուսումնական տարում և կուզեիք փոխել:
6. Ի՞նչ դրական և բացասական տարբերություն էք նկատում նախորդ և անցնող տարվա ուսումնական գործընթացում:
7. Ի՞նչ կուզեիք տեսնել գալիք ուսումնական տարում:
8. Ինչպե՞ս էք անցկացնելու արձակուրդները:
9. Ի՞նչ թեմաներ կուզեիք քննարկել, որոնք այդպես էլ չեն քննարկվել:
10. Տարվա վերջին խոսք՝ ուղղված ձեր կուրսընկերներին և համալսարանին:

Տեքստ կազմելիս ըստ ցանկության օգտվել առաջարկվող բառերից, բառակապակցություններից և այլ արտահայտություններից:

Կիրառելի բառեր և արտահայտություններ`

մեծ սպասումներ	ինքնուրույն աշխատանքներ
հետաքրքիր դասեր	դժվարություններ
նոր գիտելիքներ	տրամադրող միջավայր
որակյալ կրթություն	արդյունավետություն
դասախոսներ	ափսոսանքներ
ուսանողներ	ցանկություններ
ընկերական մթնոլորտ	նոր ծրագրեր
ուսումնասիրություններ	առաջարկություններ

Բ. Յուրաքանչյուր ուսանողի ներկայացրած տեքստի հիման վրա, այլ տեղեկություններ ստանալու կամ տրված տեղեկությունը ճշգրտելու նպատակով տալ և ստանալ լրացուցիչ հարցեր` երկխոսելով մյուս ուսանողների հետ:

Բնագրի նմուշ`

Երբ տեղափոխվեցի վեցերորդ դասարան, շատ տպավորված էի: Երբ առաջին մի քանի օրը եկա, անսովոր էր. դասարանները չէինք կարողանում գտնել, իսկ հետո դարձավ սովորական: Նաև ինձ շատ հետաքրքիր էր, թե ինչպե՞ս մեզ կընդունեին ուսուցիչները, ինչ նոր առարկաներ կավելանան:

Արդեն ավարտում ենք վեցերորդ դասարանը և կուզեի ամփոփել իմ կատարած լավագույն աշխատանքները: Նյութերս բաժանել եմ ըստ թեմաների և հիմա կներկայացնեմ:

Այս տարի արել եմ շատ նախագծեր և շատ նյութեր եմ հրապարակել, որոնք վերաբերվում են մայրենիին: Իսկ հիմա եկեք սկսենք...

Ունեմ շատ կարևոր երկու նյութ, որ վերաբերվում է մեր Կրթահամալիրին և սերաստացիներին:

Նաև բացել եմ մի բլոգ, որտեղ ես և Լալան տեղադրում ենք մեր հորինած հանելուկները: Քանի որ նոր ենք բացել բլոգը դեռ շատ նյութ չենք հասցրել տեղադրել: Ավելացնում ենք, բայց դեռ այսքանն է: Ինձ թվում է, որ հետաքրքիր կլինի:

Ես այս տարի արել եմ մի նախագիծ, որը կոչվում է «Նկարչության հետքերով»: Այդ նախագծով հասցրել եմ հրապարակել ընդամենը երեք նյութ , բայց ամեն ինչ շատ մանրամասն եմ գրել, որպեսզի ձեզ հետաքրքիր լինի:

Նույնպես արել եմ մի նախագիծ, որը կոչվում է «Ուրբաթյա ընթերցումներ»: Իհարկե, ես այդ նախագծի մեջ շատ նյութեր եմ ունեցել, բայց ամենահետաքրքիրը ընտրել եմ հենց այս երկուսը:

Կարծես թե այս տարի շատ ստեղծագործական նյութեր ունեմ և կուզեմ նույնպես ձեզ ներկայացնել: Թեման հիմնականում մարդկանց մասին է:

Նաև այս տարի Նոր Տարվա հետ կապված երկու ստեղծագործական աշխատանք ունեմ և հիմա կներկայացնեմ:

Գնացել եմ մի ճամփորդության, որից հետո շատ տպավորված էի և երբեք չեմ մոռանա:

Ամփոփելով տարիս՝ պիտի ասեմ, որ այն շատ հաջող ու ստացված եմ համարում:

Աղբյուր՝ mariaabrahamyan.wordpress.com/2019/05/13/իմ-հետաքրքիր-հավես-ուսումնական-տարին/